



**De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manvscriptis Codicibvs, Qvarvm permultæ antehàc nunquàm  
in lucem prodiêre

Complectens Santos Mensivm || Ianvarii Et Febrvarii

**Surius, Laurentius**

**Coloniae Agrippinae, 1576-**

**VD16 S 10258**

De S. Meinrado eremita & martyre.

---

[urn:nbn:de:hbz:466:1-77365](https://nbn-resolving.de/urn:nbn:de:hbz:466:1-77365)

Fructuosum martyrem, quod per misericordiam Dei docendo premisserat in Domino & Salvatore nostro, in sua postea passione & resurrectione carnis comprobare. Igitur post passionem apparuit fratribus, & monuit, ut quod unusquisque per charitatem de cineribus usurpauerat, restituere sine mora, vnoque in loco simul condendos curarent. Aemiliano etiam, qui eos damnauerat, Fructuosus pariter cum diaconibus suis ostendit se in stolis reprobationis, increpatis pariter & insultans, nihil illi profuisse, quod frustra exustos corpore in terra crederet redactum iri, quos cerneret gloriofos. O beatos martyres, qui igne probati sunt ut aurum preciosum, vestiti lorica fidei & galea salutis: qui coronati sunt diadema & corona immarcescibili, eō quod diaboli caput calauerunt. O beatos martyres, qui meruerunt dignam habitationem in celis, ad dextera stantes Christi, benedicentes Deum patrem & Iesum Christum filium eius. Susepit autem Dominus martyres suos in pace per bonam confessionem, cui est honor & gloria in secula seculorum, Amen.

*Libet huc adscribere elegantisimos versus Prudentij, quibus ille totam*

*hanc historiam claudit:*

*O triplex honor, o triforme culmen,*

*Quo nostra caput excitatur urbis,*

*Cunctis urbibus eminentis Iberis.*

*Exultare tribus libet patronis,*

*Quorum praesidio fouemur omnes*

*Terrarum populi Pyrenearum.*

*Circunstet chorus ex vitroque sexu,*

*Heros, virgo, puer, senex anicla,*

*Vestrum psallite ritè Fructuosum.*

*Laudans Augurium resultet hymnus,*

*Mixtis Eulogium modis coquans:*

*Reddamus paribus parcs Camocnas.*

*Hinc aurata sonent in arce tecta,*

*Blandum littoris extet inde murmur,*

*Et carmen freta feriata pangant.*

*Olim tempus erit, ruente mundo,*

*Cum te, Tarraco, Fructuosus acri*

*Soluet suppicio, tegens ab igni.*

*Fors dignabitur & meis medelam*

*Tormentis dare, prosperante Christo*

*Dulces hendecasyllabos reueluens.*

## VITA ET PASSIO S. MEINRADI, EREMITAE ET MARTYRIS, LECTV DIGNA.

21. JANVAR.

Meinradi  
patria.

Institutio.



I duro mihi venerabilis viri Meinradi Eremitæ & martyris passionem & obitum, libet parumpèr reflextre stylum, atque quo tempore, vbi & vnde, quo vel cui traditus primùm ad discendas literas, sub quo abbate monasticam vitā complexus sit, qualiter etiam à fratribus cōuentu discedens, singularē certamen eremi adierit, paucis premittere. Temporibus Caroli gloriissimi Imperatoris, qui primus inter Francos Cesaris nomen accepit, predictus vir in Alemannia natus est in pago, quem ex villa Sulichgevne vocavit antiquitas. Parentes vero eius ex Almannis fuerunt, morum nobilitate magis conspicui, quam diuitijs peritius. Qui cum iam eam attigisset ætatem, qua aptari posset literarum studijs, à patre ducitus ad insulam, quam veteres Sindles Augiam vocabant, in qua sanctus Pirminius construxit monasteriū ordinis sancti Benedicti. Huc ergo puer iam dictus à patre ductus, commendatur viro per omnia honestissimo Erlebaldo monacho: qui etiam predicto pueru

lo

lo propagine carnali affinis erat. Is cùm infantulum bona indolis conspiceret, grata-  
ter nutriendum suscepit, studiosè docuit, atq; eousquè imbuendo perduxit, vt sanctarū  
etiam scripturarū scientiam adeptus videretur. Nam puer à primāua etate iocos atq;  
errores, quibus tenerior etas implicari solet, vitavit, mentemq; occupauit meditandis  
illis, quē magister docuerat.

Cùm autem vicesimumquintum etatis annum attинг eret, ad diaconatū officium,  
& non multò post ad gradum presbyterij, faciente eodem magistro suo, sublimatus est.  
fuit autem tunc temporis, regnante Ludouico Cæsare, filio Caroli, in ipsa insula abbas,  
nomine Hatto, vir valde doctrina & operibus bonis, morumque nobilitate spectabilis,  
qui & Basileensis ecclesiae præfatus extitit. Quo actuose vitæ negotia responde, atque ad  
contemplatiq; vita pulchritudinem se transferente, predictus Erlebaldus cum licentia  
Ludouici Imperatoris electus ab omnibus, predicata insula fratribus preficitur, atq; in  
abbatis officiū substitutus. Qui hac potestate acceperat, Meinrado mox author & sua-  
tor fuit, vt regulę iugum susciperet, normamq; monasticę vitæ sectaretur. Consenit  
ille salubri consilio, & professionem fecit, atq; omni intentione studuit promissa serua-  
re, promptus semper ad obediendum, in iejunando strictus, in oratione assiduus, in mi-  
sericordia operibus largus, & maximè in humilitate cunctis substratus. His dum polle-  
ret moribus, ab abbate mittitur ad cellulam quandam, ad iam dictum monasteriū per-  
tinentem, iuxta lacum Tigurinū sitam, quem interfluit Lindemacus fluvius, vt ibidem  
scholę præfesset, & talentū, quo ipse ditatus erat, ad lucra Dominicā in plurimos disper-  
geret. Aliquantulum temporis fluxerat, eo in his detento.

Quadam verò die accepit sécum nonnullos scholasticos, quos nutriērat, & prædictū  
lacum transnatigans, intravit in eremum, qua ipsius laci litori adiacet, & usq; ad Alpes  
Apenninas tendit, atque ad villam Chama, causa piscationis & loca eremi intuēdi. Per-  
veniunt itaque ad fluuium quendam, qui in ipsam decurrit solitudinem: ibiq; vir bea-  
tus, ad piscandum occupatis comitibus, in consideratione solitudinis solus spatiabatur.  
Accensus enim erat nimiū amore solitarię sedis. Qua consideratione dum mentem  
diu pasceret, redit ad socios, inuenitq; non parva præda piscium oneratos, quos taliter  
affatur: Gratias largitor, qui nos suis misericorditer dedit donis. Iam filij, si placet,  
tempus est propriis inuisere lares. Regrediuntur itaque, & ad villam perueniunt, non  
longè a litore sitam. Ibi cuiusdam matrona hospitium intrantes, paululum queue-  
runt, sufficientes se cibo & potu. Vir autem Dei cernens matronam timore Dei plenā,  
& ad obsequendum hospitibus promptissimam, ardorem sui animi occultū ei aperuit,  
his verbis incipiens: O chara Christo foemina, si velles audire, secretum cordis mei tibi  
manifestarem: sed antequā id agam, posco, vt verba mea atq; voluntatem occultes,  
quousquè cernas, si possit opere cōpleri, quod credo me deuota mente concepisse. Ha-  
bitatione huius eremi vltra omnes diuitias delector, cuperemque iam in ea collocare  
mansiunculam in eam, vt familiariū possem precibus vacare, si quempiam reperiem,  
qui necessaria corporis mihi ministrare ob Dei amore veller. Sed quia adhuc solatio hoc  
defraudor, posco interim occultari, quod cupio. Illa autem à Deo inspirata (vt credo)  
respondit: Secretum nulli, nolente te, reuelabo: noueris autem, si in coepio persistere  
voles, me necessaria tibi propter Deum ministraturam, & quantū m possum, tuo voto  
satisfacturam. Ille promissis gratias rependens, redit ad cellam, vnde egressus fuerat:  
ibiq; ieunijs & orationibus continuais à Deo poposcit, vt si illi animi sui propositū non  
displiceret, illud sua ope confirmare dignaretur.

Tandem confortatus diuina inspiratione, reliquit cellam scholamque, cui præferat,  
& reuolut hospitam suam, explorare volens, utrum promissis stare veller, nec ne. Quam  
vt in præbendo solatio promissio perdurare sensit, non longè ab ipsa villa, in qua eadem  
foemina commanebat, in eremo sibi habitaculum construxit, atque ibidem in ieunijs &  
orationibus indefessus creatori seruuit, necessaria præbente ei prædicta matrona, nec-  
non & alijs religiosis viris. Ibi dum per septem annos superni regis militiam exegisset,  
multitudinem populi ad se venientis ferre non valens, mutauit locum, atq; à prædicti la-  
citore quatuor millibus distante remperit inter montes planitiem, accessu valde diffi-  
cilem. Ibi adiuuanti bus viris religiosis, & maximè quadam abbatissa, Heilviga nomi-  
ne, necessaria voti sui construxit habitacula, atq; in eodem loco, quod reliquū erat vīte,  
peregit, maximis sc̄e macrās ieunijs, & quantum humana fragilitas permisit, sine ces-  
satione

satione orans, atque ea, quae à fidelibus viris vel fœminis mittebantur, cuncta ad se venientibus benigne & comiter impariens. Accidit autem inter hęc, vt quadam die, coorante, tanta multitudo dæmonum circa illum vndique diffunderetur, vt nec ipsam lucem dicí illis tenebrarum ministris tetram caliginem offundebitis, cernere posset. Qui cùm minis terribilibus & horrore nimio eum fatigaret, in orationem prostratus, vt res poscebat, omni studio se pio Domino commendabat. Quod cùm diu ageretur, cernit ab Oriente lucem: Quam lucem secutus angelus, ad ipsum, ybi in oratione iacebat, in medio malignorum spirituum peruenit: magna autoritate agmini nefando precepit vt discederent, nihilque terroris & tentationis ei ylrä inferre auderent. Discedentibus itaque hostibus, prædictus angelus postquam amanter cum consolatus est, abscessit atque ab illo dic (vt vir venerabilis referebat) nil terroris ylrä à malignis spiritibus sustinuit.

Accidit etiam posteā, vt quidam frater de monasterio illius cum visitationis gratia adiret. Quem benignè suscipiens cum socijs, qui cum illo venerant, eis cunctā, quā hospites decebat, quātūm facultas tulit, exhibuit. Cum verò vespertinum tempus iam venisset, & sidera splendentia suaderent somnos, refecerunt se dulcibus collationum colloqujs, atque post Completorij, vt vocant, preces ierunt dormitum: in loco quidē leparato frater, qui venerat: seorsūm etiam comites eius: nec non & ipse venerabilis vir in priuata mansiuncula. Paululūm autem corpusculum reficiēs somno, vir Dei surgit, atq; assuetis incumbit perugil precibus. Prædictus etiam frater, licet in strato conquiesceret, penè insomnem duxit noctem. Dum autem curiosē huc atq; illuc verteret oculos, cernit puerum in vestibus albīs ab ipso oratori loco progredientem, mira pulchritudinis, vt ei visum est, etatis septem annorum, qui ingreditur ad virum Dei, & cum eo orante orabat, & varia cum eo miscebat colloquia: quā licet prædictus frater audiret, sensum tamen corum, quā dicebantur, non percipiebat. Qui etiam puer ipsi fratri plenè vigilanti adstitit, atque de quibusdam monuit, quā omnino frater ille sibi, nē in publicum proferret, interdicta dicebat. Evidem breuitati studens, multa, quā decomplanda plurimorum narratio certa demonstrat, pertranseo.

Cum autem in illa cremo vicesimum sextum ageret annum, seruiens Domino in ieiunijs & abstinentia rerum omnium mundi huius, illo inspirante, qui serpentem intravit, & per os eius protoplastum decepit & de paradiſo eiecit, duo scelerati homines causa occidendi eum ad Cellam illius properarunt. Qui cum venissent ad villam quādam, in Tigurini laci litore sitam, rogauerunt sibi monstrari, quæ pars peruvia esset ad cellam eius.

**Latrones ad eum accedunt.** Quod cùm monstratum eis fuisset, maturè per noctem surgentes, ingressi sunt monstratum sibi iter, agitante, qui eos impleuerat, teterrimo spiritu. Diù tamen errore à recto tramite, ducente ad ipsam cellam, tandem vexati, quò volebant, peruenierunt, maxima iam parte diei elapsa. Ille verò, solitis orationibus incumbens, Missarum deuotè solennia libabat creatori. Prius autem, quām in ipsam cellam maligni illi intrāscent, (quorū vñus vocabatur Richardus, eratq; genere Alemannus: alter verò Petrus, Rhenianorum natione procreatus) pulli, quos vir venerabilis eodem in loco nutriērat, eos in proximo venire conspicientes, quasi à vulpe inseguente per erenum diffusgerūt, clamore insolito & strepitu inaudito syluam, resultante echo, compleentes, ita vt etiam ipsi latrones hac de re multū mirarentur & obstupescerent, atq; ad prodigium hoc pertinere, propriæ mentis decernerēt iudicio. Attamen à cœpto non distraeti, aggreditur facellum, in quo vir Dei, vt prædictum est, orationibus Deum sibi placabat profusis, corpusq; Dominicum, vt præscius futurorum, ad viaticum obitū sui puro corde & deuota mente suscepérat. Ut autem sensit adesse peremptores suos, non statim se eis presentauit, sed modicū adhuc differens, clausum facelli ostium non aperuit, vt aliquantis pē in oratione adhuc demorari posset. Strenuè ergò orationem compleuit, capsasq; lingulas reliquiarum manu suscipiens & deosculans, commendabat agonem suū Domino & sanctis, quorum reliquias complectebatur reverenter. Hoc, qui aduenierant, maligni per foramen quoddam parietis eum agentem inspiciebant.

lamq; athleta fortis, Deo confortante, pugnaturus egreditur, presentiamq; sua non negat sicarijs illis. Ac primum salutationis verba ad eos proferēs, post intulit: O socij, cur iā serō venistis? Quarē nō maturāstis venire ad audiendā paruitatis meę Missam, vi pro

pro vobis communem Dominum deprecarer? Sed vel nunc intrate, poscituri, ut placabilem se vobis praefet Deus & sancti eius, ac postea reuertimini ad me, ut quod donante Deo vobis benedictionis praebere possum, eius amore impetrari: sicq; complete opus, ad quod agendum venistis. Intrantes igitur oratorium, non ad id, quod suadebantur, intenti, sed ad malum ad quod venerant perpetrandum, continuò regrediuntur ad eum. Quibus vir Dei cucullam & tunicam suam dedit, panem insuper ac potum addidit, dicens: Hac de manibus meis percipite. Postquam verò completeritis id, quod facere constituitis, potestis ex his, quæ adiunt, per vos tollere, quod cupitis. Scio enim, quod ad occidendum me intrastis. Sed unum à vobis expoco beneficium, ut dum presentis vite cursum in me terminaueritis, candelas, quas inspicitis, quas etiam ad hoc ipsum formaui, unam ad caput meum ardentem, & aliam ad pedes ponatis, & citò postea ab hoc loco discedatis, né à superuenientibus, qui me visitare solent, constringamini, poenas luituri sceleris vestri.

Confestim igitur predictus Richardus pollutis manibus beatū virum medium comprehendit, maceratumq; ieiunijs corpusculū fortiter brachijs strinxit, socioque minaciter iussit, ut sanctum fuste percuteret. Qui cum diu eum feriendo circa latus & suras, debilitasset, sancto extende palmas ad Deum, alter subintulit, dicens: O segnis, cur eum in caput non percutis, ut plagam mortale accipias? Quam si tu tardas inferre, ego ciuiissime illaturus sum. Confestimque fuste apprehenso, ictum librabat in caput vehementissime. Hoc modo vir sanctus semiuitius in terra corravit: & illi continuò in eum à sanctis latronibus in terminatur.

Postea verò nudauerunt eum ueste, qua erat indutus, & portantes eum, posuerunt in lectulo, in quo vir Dei quiete solebat, & nudo imposuerūt pannum rudem, atque etiam stramenta quædam, & ut viuens rogauerat, candelas sumiserunt, unam ponentes ad caput, & cum alia currentes ad facillum, lumen indè allaturi, quod in codem oratorio iugiter ardebat. Regressi verò ad corpusculum defunctorum, inuenierunt clarè ardentem candalam quam posuerant ad caput. Tantus autem eos continuò inuasit timor, ut nihil contingere de rebus ad altaris officia pertinentibus auderent. Vester verò ac stramenta quædam lectuli eius rapientes, festini eò properarunt, unde regressi fuerant. Eis autem indè fugientibus, corui, qui more solito ad famulū Dei viuentem venire confuerant, & annonam de manibus eius accipere, quasi vindicare cupientes extinctum, sequebantur latrones, vocibusque grandisonis replebant sylvas, & quæ proximè poterant, capitibus eorum aduolantes, prodebat perpetratum factus. Non multò post maligni illi comprehensi sunt, & quod occultè perpetraverant, patet factum est scelus, nolente Deo differri tante atrocitatē poenam, quam in sanctum virum exercuerant. A iudicibus enim & populo Christiano sub comite Adelberro latrati in eos sententia, viuī incensi sunt. Candela autem, quam ad caput viti Dei posuerat, & quæ cælitus accensa est, ardebat usque ad stramenta, quæ imposita fuerant defuncto corpusculo. Quorum etiam partem ipse ignis inuasit, & peruenit usque ad membra defuncti. Quæ ubi attigit, sicut diuinitus accensus fuerat, ita Dei nutu extinctus est, illico autem diffamat cædes eius. Qua comperta, venerabilis Abbas Uualtherus, & fratres ibi degentes, corpus viri Dei ex eremo auferentes, atque ad monasterium Augie deferentes, ibi digne condiderunt cum honore.

Passus est autem sanctus martyruodecimo Calend. Fe-

bruarij, Anno ab incarnatione Domini octin-

gentesimo sexagesimo, Ludouici

regis anno quarto.

Præfuit  
eos venisse  
ad ipsum  
occidendum,

Præclarum  
miraculum

Flammis  
comburuntur  
eius per  
cussores.

Transfertus  
corpus ad  
Augiam,